

৭। (এ৩) বিদ্যমান সিলেট পৌরসভার চেয়ারম্যান ও কমিশনারগণ দফা (ক) এর অধীন কর্পোরেশনের মেয়র ও কমিশনার হিসাবে দায়িত্ব গ্রহণের সঙ্গে সঙ্গে সিলেট পৌরসভা বিলুপ্ত হইবে।]

১৭৪। এই আইনে কোন কিছু করিবার জন্য বিধান থাকা সত্ত্বেও যদি উহা কোন কর্তৃপক্ষ কর্তৃক বা, কি পদ্ধতিতে করা হইবে এই সম্পর্কে কোন বিধান না থাকে, তাহা হইলে, উক্ত কাজ নির্ধারিত পদ্ধতিতে এবং নির্ধারিত কর্তৃপক্ষ কর্তৃক সম্পাদিত হইবে।

নির্ধারিত পদ্ধতিতে
কতিপয় বিষয়ের
নিষ্পত্তি

১৭৫। এই আইনের বিধানাবলী কার্যকর করিবার ক্ষেত্রে কোন অসুবিধা দেখা দিলে সরকার উক্ত অসুবিধা দূরীকরণার্থ, আদেশ দ্বারা, প্রয়োজনীয় যে কোন ব্যবস্থা গ্রহণ করিতে পারিবে:

অসুবিধা দূরীকরণ

তবে শর্ত থাকে যে, এই আইনের বিধান অনুযায়ী কর্পোরেশন গঠিত হইবার তারিখ হইতে দুই বৎসর অতিক্রান্ত হইবার পর উক্তরূপ কোন আদেশ দেওয়া যাইবে না।

প্রথম তফসিল
[ধারা ২(খ) দ্রষ্টব্য]

সিলেট মহানগর

নিম্নবর্ণিত এলাকাসমূহ সিলেট মহানগরের অন্তর্ভুক্ত হইবে, যথা:-

সীমানা :	
উত্তরে :	মৌজা তারাপুর, জে, এল, নং-৭৬, মৌজা কুমারগাও, জে, এল, নং ৮০, মৌজা লাকাতুরা, জে, এল নং-৭৫, মৌজা ব্রাহ্মণছড়া, জে, এল, নং-৭৮।
দক্ষিণে :	মৌজা ধরাধরপুর, জে, এল, নং-১১৫, মৌজা পিরিজপুর, জে, এল, নং-১১৪, মৌজা আলমপুর, জে, এল, নং-১০৭, মৌজা বরইকান্দি, জে, এল, নং-১১৬, মৌজা মনিপুর, জে, এল, নং-১০৮।
পূর্বে :	মৌজা খাদিমনগর, জে, এল, নং-৬৩, মৌজা দেবপুর, জে, এল, নং-৯৬।
পশ্চিমে :	মৌজা আখলিয়া, জে, এল, নং-৮৮, মৌজা খানুয়া, জে, এল, নং-২৭, মৌজা সাধীরখলা, জে, এল, নং-৮৯।

^১ দফা (এ৩) সিলেট সিটি কর্পোরেশন (সংশোধন) আইন, ২০০২ (২০০২ সনের ১৭নং আইন) এর ২৪ ধারা কর্তৃক প্রতিস্থাপিত।

দ্বিতীয় তফসিল
(ধারা ৭৪ দ্রষ্টব্য)

কর্পোরেশন কর্তৃক আরোপণীয় কর, রেইট, টোল, সেস এবং ফিস

- ১। ইমারত ও জমির বার্ষিক মূল্যের উপর কর।
- ২। স্থাবর সম্পত্তি হস্তান্তরের উপর কর।
- ৩। ইমারত নির্মাণ এবং পুনর্নির্মাণের জন্য আবেদনের উপর কর।
- ৪। নগরীতে ভোগ, ব্যবহার বা বিক্রয়ের জন্য পণ্য আমদানীর উপর কর।
- ৫। নগর হইতে পণ্য রপ্তানির উপর কর।
- ৬। টোল জাতীয় কর।
- ৭। পেশা বা বৃত্তির উপর কর।
- ৮। জন্ম, বিবাহ, দত্তক গ্রহণ ও যিয়াফত বা ভোজের উপর কর।
- ৯। বিজ্ঞাপনের উপর কর।
- ১০। পশুর উপর কর।
- ১১। সিনেমা, ড্রামা ও নাট্য প্রদর্শনী এবং অন্যান্য আমোদ-প্রমোদ এবং চিত্রবিনোদনের উপর কর।
- ১২। মোটর গাড়ী এবং নৌকা ব্যতীত অন্যান্য যানবাহনের উপর কর।
- ১৩। বাতি ও অগ্নি রেইট।
- ১৪। ময়লা নিক্ষেপন রেইট।
- ১৫। জনসেবামূলক কার্য সম্পাদনের জন্য রেইট।
- ১৬। পানির কল ও পানি সরবরাহ ব্যবস্থার জন্য রেইট।
- ১৭। সরকার কর্তৃক আরোপিত করের উপর সেস।
- ১৮। স্কুল ফিস।
- ১৯। কর্পোরেশন কর্তৃক পরিচালিত কোন জনসেবামূলক কার্য হইতে প্রাপ্ত করের উপর ফিস।
- ২০। মেলা, কৃষি প্রদর্শনী, শিল্প প্রদর্শনী, ক্রীড়া প্রতিযোগিতা এবং অন্যান্য জনসমাবেশের উপর ফিস।
- ২১। বাজারের উপর ফিস।
- ২২। কর্পোরেশন কর্তৃক প্রদত্ত লাইসেন্স, অনুমোদন ও অনুমতির জন্য ফিস।

- ২৩। কর্পোরেশন কর্তৃক কৃত কোন বিশেষ কার্যের জন্য ফিস।
- ২৪। পশু জবাই দেওয়ার জন্য ফিস।
- ২৫। এই আইনের যে কোন বিধানের অধীনে অনুমোদিত অন্য কোন ফিস।
- ২৬। সরকার কর্তৃক আইন বলে আরোপণীয় অন্য কোন কর।

তৃতীয় তফসিল
(ধারা ১৫৭ দ্রষ্টব্য)

এই আইনের অধীনে অপরাধসমূহ

- ১। কর্পোরেশন কর্তৃক আইনানুগতভাবে ধার্যকৃত কর, টোল, রেইট, সেস ও ফিস ফাঁকি দেওয়া।
- ২। এই আইন বা কোন বিধি বা প্রবিধানের অধীনে যে সকল বিষয়ে কর্পোরেশন কোন তথ্য চাহিতে পারে সেই সকল বিষয়ে কর্পোরেশনের তলব অনুযায়ী তথ্য সরবরাহে ব্যর্থতা বা উহার নিকট ভুল তথ্য সরবরাহ করা।
- ৩। এই আইন বা কোন বিধি বা প্রবিধানের বিধান অনুযায়ী যে কার্যের জন্য লাইসেন্স বা অনুমতি প্রয়োজন হয়, সেই কার্য বিনা লাইসেন্স বা বিনা অনুমতিতে সম্পাদন।
- ৪। এই আইনের অধীনে প্রয়োজনীয় অনুমোদন ব্যতিরেকে ইহার নির্মাণ বা পুনঃনির্মাণ।
- ৫। এই আইনের অধীনে প্রয়োজনীয় অনুমোদন ব্যতিরেকে কোন এলাকার উন্নয়ন।
- ৬। কর্পোরেশনের অনুমোদন ব্যতিরেকে কোন রাস্তা নির্মাণ বা নির্মাণ কার্য পরিচালনা।
- ৭। কর্পোরেশনের অনুমোদন ব্যতিরেকে সর্বসাধারণের ব্যবহার্য কোন জনপথে অবৈধ পদার্পণ।
- ৮। এই আইনের অধীনে প্রয়োজনীয় অনুমতি ব্যতিরেকে কোন রাস্তার উপরে পিকেটিং করা, জীবজন্তু রাখা, যানবাহন জমা করিয়া রাখা, অথবা কোন রাস্তাকে যানবাহন বা জীবজন্তুকে থামাইয়া তাঁবু খাটাইবার স্থান হিসাবে ব্যবহার করা।
- ৯। গৃহপালিত জীবজন্তুকে ইতস্ততঃ ঘুরিয়া বেড়াইতে দেওয়া।
- ১০। কর্পোরেশনের অনুমতি ব্যতিরেকে ইচ্ছাকৃতভাবে অথবা অবহেলাভাবে পায়খানার গর্ত বা নালা হইতে মলমূত্র বা অন্য কোন ক্ষতিকর পদার্থ কোন জনপথ বা সর্বসাধারণের ব্যবহার্য কোন স্থানের উপর ছড়াইয়া পড়িতে বা গড়াইয়া যাইতে দেওয়া বা এতদুদ্দেশ্যে ব্যবহৃত নয় এই প্রকার কোন নর্দমা, খাদ বা পয়ঃপ্রণালীর উপর পতিত হইতে দেওয়া।

- ১১। কর্পোরেশনের বিনা অনুমতিতে কোন জনপথে নর্দমা খনন বা উহার পরিবর্তন।
- ১২। কর্পোরেশনের বিনা অনুমতিতে কোন জনপথের নর্দমার সহিত কোন গৃহের নর্দমার সংযোগ সাধন।
- ১৩। কোন রাস্তায় অথবা কর্পোরেশন কর্তৃক এতদুদ্দেশ্যে নির্দিষ্ট নহে এ রকম স্থানে আবর্জনা নিক্ষেপ করা বা রাখা।
- ১৪। কর্পোরেশনের বিনা অনুমোদনের কোন বিপজ্জনক বা ক্ষতিসাধন ব্যবসায়-বাণিজ্য পরিচালনা অথবা কোন বিপজ্জনক বা ক্ষতিসাধন দ্রব্য জমা করা।
- ১৫। পানীয় জল দূষিত বা ব্যবহারের অনুপযোগী হয় এমন কোন কাজ করা।
- ১৬। জনস্বাস্থ্যের জন্য বিপজ্জনক হওয়ার সন্দেহে কর্পোরেশন কর্তৃক কোন উৎস হইতে পানি পান করা নিষিদ্ধ হওয়া সত্ত্বেও ঐ উৎস হইতে পানি পান করা।
- ১৭। সর্বসাধারণের ব্যবহার্য কোন পানীয় জলের উৎসের সন্নিহিতে গবাদিপশু বা জীবজন্তুকে পানি পান করানো, বা গোসল করানো, প্রস্রাব করানো।
- ১৮। আবাসিক এলাকা হইতে কর্পোরেশন কর্তৃক নির্ধারিত দূরত্বের মধ্যে অবস্থিত কোন পুকুরে বা ডোবায় অথবা উহার সন্নিহিতে শন, পাট বা অন্য কোন গাছপালা ডুবাইয়া রাখা।
- ১৯। আবাসিক এলাকা হইতে কর্পোরেশন কর্তৃক নির্ধারিত দূরত্বের মধ্যে চামড়া রং করা বা পাকা করা।
- ২০। কর্পোরেশনের নিয়ন্ত্রণাধীন বা পরিচালনাধীন পানি সরবরাহের কূপ, পাইপ, জলাধার অথবা কলকজা ইচ্ছাকৃতভাবে বা অবহেলাভরে ক্ষতিগ্রস্ত হইতে দেওয়া।
- ২১। কর্পোরেশনের বিনা অনুমতিতে কোন পাইপ হইতে পানি লইয়া যাওয়া বা পানি ভিন্ন দিকে প্রবাহিত করা।
- ২২। পানি সরবরাহের উদ্দেশ্যে স্থগিত কোন পাইপ, মিটার অথবা অন্য কোন যন্ত্রপাতিতে অবৈধ হস্তক্ষেপ করা।
- ২৩। আবাসিক এলাকা হইতে কর্পোরেশন কর্তৃক নির্ধারিত দূরত্বের মধ্যে মাটি, পাথর বা অন্য কিছু খনন করা।
- ২৪। আবাসিক এলাকা হইতে কর্পোরেশন কর্তৃক নির্ধারিত দূরত্বের মধ্যে হইতে ইট ভাটি, চুন ভাটি, কাঠ কয়লা ভাটি ও মুৎশিল্প স্থাপন।
- ২৫। কর্পোরেশনের বিনা অনুমতিতে কোন জীবজন্তুর দেহাবশেষ ফেলা।

- ২৬। কর্পোরেশন কর্তৃক নির্দেশিত হওয়া সত্ত্বেও কোন পায়খানা, প্রস্রাবখানা, নর্দমা, মলমুত্র, পানি, আবর্জনা অথবা বর্জিত পদার্থ রাখিবার জন্য অন্যান্য স্থান বা পাত্র আচ্ছাদন, অপসারণ, মেরামত বা পরিষ্কার করিতে বা জীবাণুমুক্ত করিতে অথবা যথাযথভাবে রক্ষণ করিতে ব্যর্থতা।
- ২৭। কর্পোরেশন কর্তৃক কোন আগাছা, ঝোপঝাড় বা লতাগুল্ম জনস্বাস্থ্যের বা পরিবেশের জন্য প্রতিকূল ঘোষিত হওয়া সত্ত্বেও উহা অপসারণ বা পরিষ্কার করিতে সংশ্লিষ্ট জমির মালিকের বা দখলদারের ব্যর্থতা।
- ২৮। জনপথ সংলগ্ন কোন স্থানে জন্মানো কোন আগাছা, লতাগুল্ম বা গাছপালা জনপথের উপর ঝুলিয়া পড়িয়া অথবা জনসাধারণের ব্যবহার্য পানির কোন পুকুর, কূয়া বা অন্য কোন উৎসের উপর ঝুলিয়া পড়িয়া চলাচলের বিঘ্ন সৃষ্টি করা সত্ত্বেও বা পানি দূষিত করা সত্ত্বেও অথবা উহা এই আইনের অধীনে জনস্বাস্থ্য হানিকর বলিয়া ঘোষিত হওয়া সত্ত্বেও সংশ্লিষ্ট স্থানের মালিক বা দখলকার কর্তৃক উহা কাটিয়া ফেলিতে, অপসারণ করিতে বা ছাটিয়া ফেলিতে ব্যর্থতা।
- ২৯। কর্পোরেশন কর্তৃক জনস্বাস্থ্যের জন্য বা পার্শ্ববর্তী এলাকার জন্য ক্ষতিকর বলিয়া ঘোষিত কোন শস্যের চাষ করা, সারের প্রয়োগ করা বা ক্ষতিকর বলিয়া ঘোষিত পছায় জমিতে সেচের ব্যবস্থা করা।
- ৩০। কর্পোরেশন কর্তৃক জনস্বাস্থ্যের বা পার্শ্ববর্তী এলাকার জন্য ক্ষতিকর বলিয়া ঘোষিত কোন কূপ, পুকুর বা পানি সরবরাহের অন্য কোন উৎস পরিষ্কার করিতে, মেরামত করিতে, আচ্ছাদন করিতে বা ভরাট করিতে বা উহা হইতে পানি নিষ্কাশন করিতে উহার মালিক বা দখলকারের ব্যর্থতা।
- ৩১। কর্পোরেশন কর্তৃক নির্দেশিত হইয়া কোন জমি বা দালান হইতে পানি বা আবর্জনা নিষ্কাশনের জন্য যথোপযুক্ত পাইপ বা নর্দমার ব্যবস্থা করিতে জমি বা দালানের মালিক বা দখলকারের ব্যর্থতা।
- ৩২। চিকিৎসক হিসাবে কর্তব্যরত থাকাকালে সংক্রামক রোগের অস্তিত্ত সম্পর্কে অবগত হওয়া সত্ত্বেও কর্পোরেশনের নিকট তৎসম্পর্কে রিপোর্ট করিতে কোন চিকিৎসকের ব্যর্থতা।
- ৩৩। কোন দালানে সংক্রামক রোগের সম্পর্কে জানা সত্ত্বেও তৎসম্পর্কে কোন ব্যক্তির কর্পোরেশনের নিকট খবর দিতে ব্যর্থতা।
- ৩৪। সংক্রামক রোগজীবাণু দ্বারা আক্রান্ত কোন দালানকে রোগজীবাণুমুক্ত করিতে উহার মালিক বা দখলকারের ব্যর্থতা।
- ৩৫। সংক্রামক ব্যাধিতে আক্রান্ত ব্যক্তি কর্তৃক খাদ্য বা পানীয় বিক্রয়।
- ৩৬। রোগজীবাণু দ্বারা আক্রান্ত কোন যানবাহনের মালিক বা চালক কর্তৃক উহাকে রোগজীবাণুমুক্ত করিতে ব্যর্থতা।

- ৩৭। দুষ্কের জন্য বা খাদ্যের জন্য রক্ষিত কোন প্রাণীকে ক্ষতিকর কোন দ্রব্য খাওয়ানো বা খাওয়ার সুযোগ দেওয়া।
- ৩৮। এতদুদ্দেশ্যে নির্ধারিত স্থান ব্যতিরেকে অন্য কোন স্থানে মাংস বিক্রয়ের উদ্দেশ্যে কোন প্রাণী জবাই করা।
- ৩৯। ক্রেতার চাহিদা মোতাবেক খাদ্য বা পানীয় সরবরাহ না করিয়া নিম্ন বা ভিন্ন মানের খাদ্য বা পানীয় সরবরাহ করিয়া ক্রেতাকে ঠকানো।
- ৪০। কর্পোরেশনের বিনা অনুমতিতে সাধারণের ব্যবহার্য বা রেজিস্ট্রিকৃত গোরস্থান বা শ্মশান নহে এই প্রকার কোন স্থানে মৃতদেহ দাফন বা দাহ করা।
- ৪১। কর্পোরেশন কর্তৃক নির্ধারিত রাস্তা ব্যতীত অন্য কোন রাস্তা দিয়া মৃতদেহ লইয়া যাওয়া।
- ৪২। উপযুক্ত অনুমতি ব্যতিরেকে কর্পোরেশনের দিক নির্দেশক ফলক বা বাতির খুঁটি বাতি নড়াচড়া বা বিকৃত অথবা কর্পোরেশনের বাতি নিভাইয়া দেওয়া।
- ৪৩। এতদুদ্দেশ্যে কর্পোরেশন কর্তৃক নির্ধারিত কোন স্থান ব্যতীত অন্য কোন স্থানে বিজ্ঞাপন, নোটিশ, প্ল্যাকার্ড বা অন্য কোন প্রকার প্রচারপত্র আঁটিয়া দেওয়া।
- ৪৪। কোন অশ্লীল বিজ্ঞাপন প্রদর্শন করা।
- ৪৫। কর্পোরেশন কর্তৃক বিপজ্জনক বলিয়া ঘোষিত পদ্ধতিতে কাঠ, ঘাস, খড় বা অন্য কোন দাহ্য বস্তু স্তূপীকৃত করা।
- ৪৬। সূর্যাস্তের অর্ধ ঘণ্টা পর হইতে সূর্যোদয়ের অর্ধ ঘণ্টা পূর্ব পর্যন্ত সময়ের মধ্যে কোন যানবাহন যথাযথ বাতির ব্যবস্থা না করিয়া চালানো।
- ৪৭। যানবাহন চালানোর সময় সংগত কারণ ব্যতীত রাস্তার বাম পার্শ্বে না থাকা অথবা একই দিকগামী অন্য কোন যানবাহনের ডান পার্শ্বে না থাকা অথবা রাস্তায় চলাচল সংক্রান্ত অন্যান্য বিধি-নিষেধ না মানা।
- ৪৮। কর্পোরেশন কর্তৃক জারীকৃত কোন নিষেধাজ্ঞা ভংগ করিয়া রেডিও বা বাদ্যযন্ত্র বাজানো, ঢাক-ঢোল পিটানো, ভেঁপু বাজানো, অথবা কাঁশা বা অন্য কোন জিনিষের দ্বারা আওয়াজ সৃষ্টি করা।
- ৪৯। আগ্নেয়াস্ত্র, পটকা বা আতশবাজী এমনভাবে ছোড়া অথবা উহাদের লইয়া এমনভাবে খেলায় বা শিকারে রত হওয়া যাহাতে পথচারী বা পার্শ্ববর্তী এলাকায় বসবাসকারী বা কর্মরত লোকজনের বা কোন সম্পত্তির বিপদ বা ক্ষতি হয় বা হইবার সম্ভাবনা থাকে।
- ৫০। পথচারীদের বা পার্শ্ববর্তী এলাকায় বসবাসকারী বা কর্মরত লোকজনের বিপদ হয় বা বিপদ হইবার সম্ভাবনা থাকে এমনভাবে গাছ কাটা, দালান-কোঠা নির্মাণ বা খনন কাজ পরিচালনা করা অথবা বিস্ফোরণ ঘটানো।

- ৫১। হিংস্র কুকুর বা অন্য কোন ভয়ংকর প্রাণীকে নিয়ন্ত্রণ বিহীনভাবে ছাড়িয়া দেওয়া বা লেলাইয়া দেওয়া।
- ৫২। কর্পোরেশন কর্তৃক বিপজ্জনক বলিয়া ঘোষিত কোন দালান ভাংগিয়া ফেলিতে বা উহাকে মজবুত করিতে ব্যর্থতা।
- ৫৩। কর্পোরেশন কর্তৃক মনুষ্য বসবাসের অনুপযোগী বলিয়া ঘোষিত দালান-কোঠা বসবাসের জন্য ব্যবহার করা বা কাহাকেও উহাতে বসবাস করিতে দেওয়া।
- ৫৪। কর্পোরেশন কর্তৃক নির্দেশিত হওয়া সত্ত্বেও, কোন দালান চুনকাম বা মেরামত করিতে ব্যর্থতা।
- ৫৫। কর্পোরেশন কর্তৃক নির্দেশিত হওয়া সত্ত্বেও বাড়ী হইতে ময়লা নিক্ষেপনের জন্য পর্যাপ্ত ব্যবস্থা করিতে বাড়ীর মালিক বা দখলকারের ব্যর্থতা।
- ৫৬। এই আইনের অধীনে প্রদত্ত ক্ষমতা প্রয়োগের ক্ষেত্রে কর্পোরেশনের কোন কর্মকর্তা বা কর্মচারীকে বা কর্পোরেশনের ক্ষমতাপ্রাপ্ত কোন ব্যক্তিকে ইচ্ছাকৃতভাবে বাধা প্রদান করা।
- ৫৭। ভিক্ষার জন্য বিরজিকর কাকুতি-মিনতি করা বা শরীরের কোন বিকৃত অংগ বা নোংরা ক্ষতস্থান প্রদর্শন করা।
- ৫৮। কর্পোরেশন কর্তৃক নিষিদ্ধ বলিয়া ঘোষিত এলাকায় পতিতালয় স্থাপন বা পতিতাবৃত্তি পরিচালনা করা।
- ৫৯। কর্পোরেশনের কোন কমিশনার বা কোন কর্মকর্তা বা কর্মচারী কর্তৃক সজ্ঞানে, প্রত্যক্ষ বা পরোক্ষভাবে, স্বয়ং বা কোন অংশীদার মারফত কর্পোরেশনের কোন ঠিকাদারীতে স্বত্ব বা অংশ অর্জন করা।
- ৬০। কর্পোরেশন কর্তৃক অত্যাৱশ্যকীয় কর্মকর্তা বা কর্মচারী বলিয়া ঘোষিত হওয়া সত্ত্বেও উক্তরূপ কোন কর্মকর্তা বা কর্মচারীর কাজে অনুপস্থিতি, কাজে গাফিলতি অথবা কাজ করিতে অস্বীকৃতি অথবা ইচ্ছাকৃতভাবে অথবা অদক্ষভাবে কাজ সম্পাদন।
- ৬১। বিধি দ্বারা অপরাধ বলিয়া ঘোষিত কোন কাজ করা।
- ৬২। এই আইন বা কোন বিধি বা তদধীনে প্রদত্ত কোন আদেশ, নির্দেশ বা কোন ঘোষণা বা জারীকৃত কোন বিজ্ঞপ্তির খেলাপ।
- ৬৩। এই তফসিলে উল্লেখিত অপরাধসমূহ সংঘটনের চেষ্টা বা সহায়তা করা।

চতুর্থ তফসিল
(ধারা ১৬৪ দ্রষ্টব্য)

যে সকল বিষয় সম্পর্কে বিধি প্রণয়ন করা যাইতে পারে

- ১। ওয়ার্ডসমূহের এলাকা নির্ধারণ, মেয়র এবং কমিশনারের নির্বাচন।
- ২। মেয়র এবং কমিশনার অপসারণের জন্য বিশেষ সভা আহ্বানের পদ্ধতি।
- ৩। কর্পোরেশনের কার্য কি প্রকারে এবং কোন্ কর্তৃপক্ষ কর্তৃক নিষ্পন্ন হইবে তাহা নির্ধারণ।
- ৪। পূর্তকাজ সম্পন্ন করার পদ্ধতি, পূর্তকাজ সম্পন্ন করার জন্য প্রদেয় টাকার হারের তফসিল, বাৎসরিক পূর্তকাজের কর্মসূচী এবং উহার মঞ্জুরী ও বাস্তবায়ন, পূর্তকাজ পরিদর্শন এবং পরিদর্শন কর্মকর্তাগণের ক্ষমতা।
- ৫। চুক্তি সম্পাদন, নিবন্ধন ও বলবৎ করার পদ্ধতি, সরকারের অনুমোদন সাপেক্ষে চুক্তিসমূহ সম্পাদনের ক্ষেত্রে কর্পোরেশন কর্তৃক পালনকৃত নীতিমালা।
- ৬। ঠিকাদারগণের নিবন্ধিকরণ ফিস, ঠিকাদার কর্তৃক প্রদেয় জামানত এবং জামানত বাজেয়াপ্তের শর্তাদি।
- ৭। রক্ষণাবেক্ষণযোগ্য রেকর্ডসমূহ কি কি রিপোর্ট এবং রিটার্ন প্রস্তুত করিতে হইবে তাহা নিরূপণ এবং তাহার প্রকাশনা পদ্ধতি, অপ্রয়োজনীয় রেকর্ডপত্রের হেফাজতকরণ, রক্ষণাবেক্ষণ ও ধ্বংসকরণ।
- ৮। প্রধান নির্বাহী কর্মকর্তার উপর কি কি ক্ষমতা ন্যস্ত হইবে এবং উহা কি প্রকারে নির্বাহ করা হইবে তাহা নির্ধারণ।
- ৯। কর্পোরেশনের কর্মকর্তা এবং কর্মচারীগণের বিরুদ্ধে শৃংখলামূলক ব্যবস্থা গ্রহণের জন্য তদন্ত পদ্ধতি।
- ১০। কর্পোরেশন তহবিলের হেফাজত, বিনিয়োগ, পরিচালনা, প্রয়োগ ও নিয়ন্ত্রণ এবং ঋণ পরিশোধের জন্য বিশেষ ফান্ড (Sinking fund) ও অন্যান্য তহবিল স্থাপন।
- ১১। বাজেটের ফরম ও প্রণয়ন পদ্ধতি, কর্পোরেশনের নিকট বাজেট পেশ এবং তৎকর্তৃক উহা বিবেচনা ও অনুমোদন পদ্ধতি, কর্পোরেশনের বাজেট সেশন আহ্বান ও বাজেট সংশোধন পদ্ধতি।
- ১২। হিসাব রক্ষণ পদ্ধতি, মাসিক ও বার্ষিক হিসাব প্রণয়ন, পরীক্ষা, প্রত্যয়ন ও প্রকাশনা।
- ১৩। কি কি উদ্দেশ্যে এবং কি প্রকারে ঋণ সংগ্রহ করা যাইবে তাহা নির্ধারণ, ঋণের সর্বোচ্চ পরিমাণ নির্দিষ্টকরণ।

- ১৪। কর্পোরেশনের সম্পদ বা তহবিল অবচয় বা অপপ্রয়োগকারী ব্যক্তির দায়িত্ব নির্ধারণ পদ্ধতি।
- ১৫। সম্পত্তি নিবন্ধিকরণ ও প্রতিপাদন ও উহার হিসাব রক্ষণ।
- ১৬। কর, রেইট, টোল, ফিস ও অন্যান্য দাবী নির্ধারণ, উসুল ও নিয়ন্ত্রণ পদ্ধতি এবং তৎসম্পর্কে করদাতাদের দায়িত্ব।
- ১৭। অকট্রয় (Octroi) ফাকি বন্ধকরণ, অকট্রয় আদায়যোগ্য মালের তল্লাশী ও অকট্রয় আদায়ের জন্য পরিচালিত অভিযান দাবী।
- ১৮। কর এবং অন্যান্য দাবী, বিল ও নোটিশ জারী পদ্ধতি, ক্রোক ও বিক্রিপূর্বক কর এবং অন্যান্য দাবী আদায় পদ্ধতি, অনাদায়যোগ্য দাবী খারিজ।
- ১৯। এই আইনের অধীনে বিধি ধারা নির্ধারণযোগ্য অন্যান্য বিষয়।

পঞ্চম তফসিল
(ধারা ১৬৫ দ্রষ্টব্য)

যে সকল বিষয় সম্পর্কে প্রবিধান প্রণয়ন করা যাইবে

- ১। কর্পোরেশন ও উহার কমিটিসমূহের সভার কার্য পরিচালনা।
- ২। স্থায়ী কমিটি এবং অন্যান্য কমিটির সদস্য, চেয়ারম্যান, ভাইস-চেয়ারম্যান নির্বাচন।
- ৩। স্থায়ী কমিটির কার্যাবলী।
- ৪। জনগণের অভিযোগের প্রতি দৃষ্টি আকর্ষণের লক্ষ্যে মূলতবী প্রস্তাব।
- ৫। সভা অভিযাচন।
- ৬। সভার কার্যবিবরণী লিপিবদ্ধকরণ।
- ৭। সিদ্ধান্ত বাস্তবায়ন।
- ৮। সাধারণ সীলমোহর হেফাজত ও ব্যবহার।
- ৯। কর্পোরেশন অফিসের দপ্তর ও উপ-দপ্তর স্থাপন এবং উহাদের কার্যপদ্ধতি নির্ধারণ।
- ১০। লাইসেন্স প্রদান পদ্ধতি।
- ১১। সরকারী ও বেসরকারী মেলা অনুষ্ঠান ও উৎসব পালন, উজ্জ্বল মেলা ও উৎসবের স্থানে দোকানপাট ও আমোদ-প্রমোদের স্থানের জন্য লাইসেন্স প্রদান, বেসরকারী মেলার জন্য লাইসেন্স প্রদান, মেলা ও উৎসবাদি পরিদর্শন।
- ১২। সর্বসাধারণের জন্য চিত্তবিনোদন, আমোদ-প্রমোদ ও সাংস্কৃতিক অনুষ্ঠানের সুযোগ-সুবিধা বৃদ্ধির ব্যবস্থা করা, বেসরকারী তত্ত্বাবধানে সর্বসাধারণের চিত্তবিনোদন ও আমোদ-প্রমোদের জন্য স্থানের লাইসেন্স প্রদান, সর্বসাধারণের চিত্তবিনোদন ও আমোদ-প্রমোদের স্থানে লোকজনের আচার-আচরণ নিয়ন্ত্রণ।

- ১৩। স্বাস্থ্য ব্যবস্থা তদারকের জন্য জায়গা-জমি ও বাড়িঘর পরিদর্শন, বাড়িঘরের মালিক কর্তৃক আবর্জনা পরিষ্কার ও অপসারণ, ব্যক্তিগত পায়খানা ও প্রস্রাবখানা নির্মাণ ও পরিদর্শন, স্বাস্থ্য ব্যবস্থা সম্পর্কে জনসাধারণের দায়িত্ব ও কর্তব্য এবং ব্যক্তিগত ঝাড়ুদারের লাইসেন্স প্রদান।
- ১৪। রোগ-সংক্রমিত ব্যক্তিগত ব্যবহার্য জিনিষপত্র অথবা অন্যান্য দ্রব্যাদি অপসারণ রোগ-সংক্রমণ মুক্তকরণ ও ধ্বংসকরণ, বাড়িঘর এবং যানবাহন রোগ-সংক্রমণ মুক্তকরণ, সংক্রামক রোগের বিস্তার রোধের ব্যাপারে জনসাধারণের দায়িত্ব ও কর্তব্য।
- ১৫। সরকারী এবং বেসরকারী গোরস্থান ও শ্মশানের জন্য লাইসেন্স প্রদান ও উহাদের সংরক্ষণ, কবর, স্মৃতিসৌধ এবং স্মৃতিফলক সংরক্ষণ, গরীব ও দুঃস্থদের দাফন ও শবদাহের ব্যবস্থা, দাফন ও শবদাহের জন্য ফিস।
- ১৬। ক্ষতিকর ব্যবসা-বাণিজ্যের নিয়ন্ত্রণ, বিপজ্জনক ও ক্ষতিকর দ্রব্যাদি মজুদকরণ ও রক্ষণ।
- ১৭। অবৈধ পদার্পণ, নিয়ন্ত্রণ ও অপসারণ।
- ১৮। সাধারণ যানবাহন ও উহার চালক এবং উহার জন্য ব্যবহৃত জন্তু ও ব্যক্তির লাইসেন্স, উক্তরূপ যানবাহন ও জন্তু ও উহাদের রাখার স্থান পরিদর্শন, উক্তরূপ যানবাহন ও জন্তু দাঁড়াইবার স্থান ও উহার ব্যবহার, সাধারণ যানবাহন সংক্রান্ত অপরাধ।
- ১৯। বাজারে বিরক্তিকর বস্তু বা উপদ্রবের সংজ্ঞা নিরূপণ ও উহার নিরোধকরণ; বাজারে ষ্টল এবং মঞ্চ বরাদ্দকরণ; বাজারে বিক্রিতব্য পণ্য দ্রব্যের মূল্য নিয়ন্ত্রণ।
- ২০। জীবজন্তুর মধ্যে ছোঁয়াচে রোগ বিস্তার প্রতিরোধকল্পে গৃহীতব্য ব্যবস্থা, ছোঁয়াচে রোগাক্রান্ত জীবজন্তুকে বাধ্যতামূলক টীকাদান বা উহার ধ্বংস সাধন, লাগামহীনভাবে ঘুরিয়া বেড়ানো জীবজন্তু আটককরণ ও খোঁয়াড়ে আবদ্ধকরণ, বাসস্থানে জীবজন্তু রাখা নিষিদ্ধকরণ, গবাদিপশু রেজিস্ট্রিকরণ, বিপজ্জনক জীবজন্তুর সংজ্ঞা এবং উহার আটককরণ, ধ্বংস সাধন বা তৎসম্বন্ধে অন্য কোন ব্যবস্থা গ্রহণ।
- ২১। কসাইখানায় জন্তু জবাই নিয়ন্ত্রণ, জবাইর পূর্বে পশু পরীক্ষা এবং জবাইর পরে গোস্ত পরীক্ষা, পশু জবাই ফিস, কসাইখানায় প্রাপ্য মনুষ্য ব্যবহার অনুপযোগী গোস্তের ধ্বংস সাধন বা তৎসম্বন্ধে অন্য কোন ব্যবস্থা গ্রহণকরণ, অনুমোদিত কসাইখানায় জবাইকৃত পশুর গোস্ত বা যথাযথভাবে সংরক্ষিত গোস্ত ছাড়া অন্য কোন গোস্ত বিক্রয় করা নিষিদ্ধকরণ এবং অনুরূপ কোন গোস্তের ধ্বংস সাধন বা তৎসম্বন্ধে অন্য কোন ব্যবস্থা গ্রহণকরণ; কসাইখানার বাহিরে গোস্ত বহন নিয়ন্ত্রণ অননুমোদিত কসাইখানা পরিদর্শন এবং অনুরূপ কসাইখানায় রাখা জন্তু ও গোস্ত আটক ও বাজেয়াপ্তকরণ।

- ২২। যানবাহন ও যানবাহন চলাচল নিয়ন্ত্রণ পথ চলাচল বিধি, যানবাহন চলাচল সংকেত বিধি, গতিবেগ নিয়ন্ত্রণ ও বাতি জ্বালানোর সময়।
- ২৩। ইমারত নির্মাণ ও পুনর্নির্মাণ নিয়ন্ত্রণ, ইমারত পরিদর্শন; অননুমোদিত পূর্তকার্য বন্ধকরণ, অননুমোদিত বাড়িঘর ও অন্যান্য নির্মাণ ভাংগিয়া ফেলা, ইমারত নির্মাণ ও পুনর্নির্মাণ সংক্রান্ত অপরাধ, ইমারত নির্মাণের জন্য ফিস।
- ২৪। সাধারণ পার্ক, সাধারণ উদ্যান ও সাধারণ খোলা জায়গায় ব্যবহার ও উহাতে প্রবেশ নিয়ন্ত্রণ, পার্ক, সাধারণ উদ্যান ও সাধারণ খোলা জায়গা সংরক্ষণ, নিয়ন্ত্রণ ও রক্ষণাবেক্ষণ, পার্কে প্রবেশের জন্য উহার সুযোগ-সুবিধা ভোগ করার জন্য প্রদেয় ফিস।
- ২৫। ব্যক্তিগত নর্দমা নিয়ন্ত্রণ, নর্দমা সংরক্ষণ, পরিষ্কারকরণ ও পরিদর্শন, নর্দমা সংক্রান্ত অপরাধ।
- ২৬। কর্পোরেশনের কোন কার্য যথাযথ ও সুষ্ঠুভাবে সম্পাদন বা এই আইনের কোন উদ্দেশ্য সাধনের জন্য প্রয়োজনীয়, বিধিতে উল্লেখিত নাম এই প্রকার কোন বিধান।
- ২৭। এই আইনের অধীনে পদ্ধতিগত বা প্রবিধান দ্বারা নির্ধারণযোগ্য অন্যান্য বিষয়।